

Norihan Binti Anah

From: Unit Komunikasi Korporat
Sent: Wednesday, December 6, 2017 1:24 PM
To: UUM - All Staff; UUM - All Students
Subject: ICMSA 2017 Medan Perkongsian Kepakaran Dalam Matematik Dan Statistik



Unit Komunikasi Korporat
CORPORATE COMMUNICATION UNIT
Universiti Utara Malaysia



6 DISEMBER 2017 / 17 RABIULAWAL 1439H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: Hairul Nizam Zahari

ICMSA 2017 MEDAN PERKONGSIAN KEPAKARAN DALAM MATEMATIK DAN STATISTIK



UUM ONLINE: Bagi membantu pembangunan bidang Matematik dan Statistik melalui teori dan aplikasi, UUM menerusi Pusat Pengajian Sains Kuantitatif (SQS) telah menganjurkan Persidangan Antarabangsa mengenai Matematik, Statistik dan Aplikasi (ICMSA) Kali Ke-13 yang berlangsung selama empat hari mulai 4 November lalu di EDC Hotels & Resorts.

Pengerusi ICMSA 2017, Prof Dr Haslinda Ibrahim berkata, persidangan tersebut menyediakan platform yang unik untuk pelajar, ahli akademik, penyelidik dan pengamal untuk bertukar idea, pengalaman dan hasil penyelidikan mereka dalam pelbagai bidang matematik dan statistik melalui kertas dan poster.

Katanya, melalui perkongsian ilmu itu secara tidak langsung akan memberi arah baharu untuk bidang penyelidikan dan pembangunan masa hadapan dalam Matematik dan Statistik.

"Sepanjang persidangan ini, peserta dari dalam negara dan luar negara menimba pengalaman dan pengetahuan mereka bersama penceramah tempatan dan antarabangsa hebat dari bidang akademik dan industri yang berkongsi pengetahuan dan kepakaran mereka dalam teknik dan teknologi kuantitatif semasa

"Saya berharap persidangan ini akan menyediakan peluang rangkaian dan kerjasama yang lebih baik untuk semua peserta yang terlibat, khususnya di kawasan IMT-GT," katanya.

Antara penceramah terlibat ialah Prof Dr Budi Nurani Ruchjana, Profesor Statistik dari Universitas Padjadjaran, Indonesia; Prof Dr Ahmad Izani Ismail, Profesor Matematik Gunaan dari Universiti Sains Malaysia dan Dr Konvika Kongkul dari Thaksin University, Thailand.

ICMSA 2017 yang dianjurkan bersama Indonesia-Malaysia-Thailand Growth Triangle (IMT-GT) dan Persatuan Sains Matematik Malaysia turut menerima lebih 150 kertas kerja dari 12 negara seluruh dunia seperti Sepanyol, Amerika Syarikat, India, Thailand dan Turki, selain Malaysia.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
✉ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.